

KHASITOMO YA SARS YI KHOMA RIMHONDZO RA MHELEMBE EOR TAMBO

Tshwane, 3 Khotavuxika 2020 – Yuniti ya Khasitomo ya Vukorhokeri bya Xibalo bya Afrika-Dzonga (SARS) leyi tirhaka na Vukorhokeri bya Maphorisa bya Afrika-Dzonga (SAPS) yi siverile hi ndlela yo humelela eka tshalatshala ro ngungumerisa rimhondzo ra mhelembe ehandle ka tiko endzhaku ko kuma vuxokoxoko mayelana na ndzhwalo lowu ehleketelerisaka lowu a wu rhumeriwa eAbu-Dhabi.

Xipano xa khasitomo xi hlamurile hi ku rhumela vaofisiri ku ya endhawini ya mirhwalo laha ndzhwalo wu nga sikeniwa, no kombisa swifaniso. Tiayitheme timbirhi ta ndzhwalo leti phutseriweke hi pulasitiki ti yisiwile endhawini yo sechela ya Khasitomo laha ndzhwalo wu nga sikeniwa hi vuntshwa no sechiwa. Endzhaku ka nkabelo, khumenkombo (17) wa swiphemu swa rimhondzo ra mhelembe, leri tikaka 25kg swi kumiwile. SAPS yi yisile mukhandziyi eXitichini xa Maphorisa xa Misava. Tinhundzu ti nyiketiwile eka SAPS ku lavisisiwa ku ya emahlweni.

SARS yi vonile engetelo wa matshalatshala mo ngungumerisa rimhondzo ra mhelembe hi ku tirhisa Rivala ra Swihahampfhuka ra Misava ra OR Tambo. Enkarhini wa Mawuwani 2020 ku fikela hi Dzivamisoko 2022 ku vi le na nkombo wa (7) wa mivhumbunulo ya rimhondzo ra mhelembe leyi fikaka eka ntsengo wa 137 wa swiphemu no tika 482kg, leswi vhumbunuriweke hi ku tirhisa tinetiweke to phurofayila na avelano wa vuxokoxoko.

- Dzivamisoko 2022: khumembirhi (12) wa swiphemu swa rimhondzo ra mhelembe, leri tikaka 30.7kg.
- N'wendzambahala 2021: ntsevu (6) wa swiphemu swa rimhondzo ra mhelembe, leswi tikaka 4kg swi tivisiwile tanihi '*Personal Effects*'.
- N'wendzambahala 2021: ntlhanu (5) wa swiphemu swa rimhondzo ra mhelembe, leswi tikaka 10kg swi tivisiwile tanihi '*Scanners*'.
- Mawuwani 2021: makumenharhumbirhi (32) wa swiphemu swa rimhondzo ra mhelembe, leswi tikaka 160kg swi tivisiwile tanihi '*Live Plants*'.
- Nyenyenyani 2021: khumehungu (18) wa swiphemu swa mhelembe, leswi tikaka 63kg swi tivisiwele tanihi '*HP Cartridges Developers*'.
- N'wendzambahala 2020: khumenkombo (17) wa swiphemu swa rimhondzo ra Mhelembe leswi tikaka 72.4kg leswi a swi tumbetiwele endzeni ka gizara.
- Ndzhati 2020: ntsevu (6) wa swiphemu, leswi tikaka 4.9kg leswi tivisiweke tanihi '*Coffee Beans*'.
- Mawuwani 2020: makumemumen'we (41) wa swiphemu leswi tikaka 137kg leswi tivisiweke tanihi '*Fine Arts*'.

Khomixinara wa SARS u humeserile ehandle ku khensa ka yena eka yingiso wo kongomisa hi tiejensi ta nsindziso wo landzelela nawu ku tirhana na matshalatshala ma nkucetelo hi tielemente ta swa vugevenga ku ngungumerisa timhondzo ta timhelembe.

U vurile, "Swi le rivaleni leswaku swigevenga se swi titsheмба swinene eku ngungumeriseni ngopfungopfu ka rimhondzo ra mhelembe. Matshalatshala ma xikombiso hi vaofisiri va Khasitomo lava tirhaka ka vatirhikuloni eka Vukorhokeri bya Maphorisa bya Afrika-Dzonga ku lwa na vugevenga lebyo biha va faneriwile hi ku khensiwa hi vaaki hinkwavo va Afrika-Dzonga. Hungu ra hina ri fanele ri hlamusela hungu rin'we eka mitlawa leyi ya swigevenga, leswaku hi ta endla matshalatshala hinkwawo eku hlamuleni no tirhana na yona. Rixaka ra hina ra nkarhi lowu taka ri fanele ri vona mfuwo wa rixaka wa swiharhi swa hina swa nhova".

U yi le emahlweni, "Tanihi tiko, a hi lavi ku sirhelela muxaka lowu nga ekhombyeni ntsena kambe ku tiyisisa leswaku lava landzelelaka ndlela leyi ya vutomi, va sengisiwa, ku voniwa nandzu no gweviwa ku ya ekhotsweni nkarhi wo leha. Leswi i ku endla hi vomu na ku onha hi xikongomelo eka ikhonomi ya hina".

Ku kuma vuxokoxoko byo tala, u komberiwa ku tihlanganise na SARSMedia@sars.gov.za

MAKUMU



